



Broj: 12-23-1114/26
Zenica, 11.06.2026. godine

Na osnovu člana 200. Zakona o upravnom postupku (“Službene novine Federacije BiH”, broj: 2/98), a u skladu sa članom 68. Zakona o cestama Federacije BiH (“Službene novine Federacije BiH “ broj: 12/10), rješavajući po zahtjevu Agencije za razvoj općine Tešanj „TRA” d.o.o. Tešanj broj: 04-04-132/26 od 28.05.2026. godine, Ministarstvo za prostorno uređenje, promet i komunikacije i zaštitu okoline Zeničko-dobojskog kantona donosi:

RJEŠENJE

Agenciji za razvoj općine Tešanj „TRA” d.o.o. Tešanj *daje se saglasnost* za privremenom obustavom saobraćaja na dionici regionalne ceste R 474 Tešanj - Jelah (lokalitet: policijska stanica Tešanj – HIFA benzinska pumpa i dio kroz grad Apoteka Tefarm do policijske stanice Tešanj) zbog održavanja sportske manifestacije „Tešanjjska biciklijada” i to na dan 27.06.2026. godine (subota) u periodu od 14:00 do 15:00 sati pod sljedećim uslovima:

1. Podnosilac zahtjeva dužan je prije početka održavanja manifestacije pribaviti sve potrebne saglasnosti i odobrenja od nadležnog općinskog organa i Ministarstva unutrašnjih poslova Zeničko-dobojski kantona.
2. Obustavu i regulisanje saobraćaja riješiti postavljanjem privremene saobraćajne signalizacije u saradnji sa PS Tešanj.
3. Za vrijeme trajanje obustave promet preusmjeriti na preostale gradske saobraćajnice kao alternativne pravce.
4. Podnosilac zahtjeva obavezan je da putem sredstava javnog informisanja obavijesti učesnike u saobraćaju o privremenoj obustavi kao i ostalim izmjenama režima saobraćaja najkasnije u roku od 48 sati prije početka obustave saobraćaja.
5. Podnosilac zahtjeva obavezan je da preduzme sve mjere obezbjeđenja kako ne bi došlo do ugrožavanja učesnika, gledalaca i narušavanja javnog reda i mira.
6. Da nakon završetka utrke sa ceste ukloni sve saobraćajne znakove i druge oznake, uređaje, predmete i objekte koji su postavljeni zbog održavanja utrke.
7. Podnosilac zahtjeva snosi troškove za sve eventualne štete nastale na cesti prouzrokovane organizacijom ovog takmičenja.
8. Izmjena prometa ne odnosi se na vozila organa unutrašnjih poslova, sanitetska vozila i vozila vatrogasnih jedinica.

Obrazloženje

Agencija za razvoj općine Tešanj „TRA” d.o.o. Tešanj podnijela je zahtjev za privremenom obustavom saobraćaja na dionici regionalne ceste R 474 Tešanj - Jelah (lokalitet: policijska stanica Tešanj – HIFA benzinska pumpa i dio kroz grad Apoteka Tefarm do policijske stanice Tešanj) zbog održavanja sportske manifestacije „Tešanjjska biciklijada”, koja se održava u okviru LAMO projekta finansiranog od strane EU i nacionalnih sredstava zemalja učesnica kroz Interreg IPA ADRION program.

Ovo rješenje podliježe plaćanju kantonalne administrativne takse u iznosu od 10,00 KM shodno odredbama člana 25. tarifni broj 10 Zakona o kantonalnim administrativnim taksama („Službene novine Zeničko-dobojskog kantona” broj: 13/02).

Protiv ovog rješenja može se izjaviti žalba Ministarstvu za promet i komunikacije Federacije BiH, u roku od 8 dana po prijemu istog.

Dostavljeno:

- 1 x Naslovu,
- 1 x Kantonalna direkcija za ceste,
- 1 x MUP ZDK,
- 1 x BIHAMK,
- 1 x a/a.

